



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Sulpici[i] Severi Presbyteri Opera Omnia**

**Sulpicius <Severus>**

**Amstelodami, 1665**

Esebon Iudex.

**urn:nbn:de:hbz:466:1-11490**

suas prius videret. Quibus actis, ultro ad patrem rediit, 7  
 1 votumque Domino reddidit. Jepta, 2 principatum sex an- 3  
 nis tenuit. Huic 3 Efebon successit, & 4 tranquillis rebus 9  
 exacto imperio, anno septimo decessit. Postque eum 5 Al- 10  
 lon Zabulonites annis x. itemque 6 Abdon annis VIII. rerum  
 potiti, pacis tempore 7 nihil, quod historia loqueretur, edi-  
 derunt.

gam virginitatem meam cum sodalibus  
 meis. Quod frigide Sulpicius reddidit.

1 *Votumque Domino reddidit.*] Rabbi-  
 ni tradunt Phinees noluisse Jephtham  
 voto solvere, & hac de causa פנין  
 id est, Numinis majestatem atque præ-  
 sentiam ab eo recessisse. *Saidus Batrici-  
 des*, ex versione Seldeni: *Consilium Jeph-  
 thæ suaserant, ut adiret Phinees Prophe-  
 tam, filium Eleazari, filii Aharonis, atque  
 eum consulere, ut ab eo disceret, qua ratio-  
 ne filiam morte eriperet. Sed monitus est ab  
 Angelo ne ad eum adiret. Etiam & Phi-  
 nees Propheta monitum accepit ex Prophe-  
 tia, ne indulgeret ei. Itaque transactis bi-  
 nis illis mensibus, ingens festum celebravit  
 Jephthes, & filiam suam immolavit ead-  
 em die, quem festum luctus nominavit.*  
 Hujus facti memoria quater anno car-  
 minibus & colloquio celebrata im-  
 posterum fuit. Quod ad sua quoque  
 tempora, eodem in loco, factum à Sa-  
 maritis, docet Epiphanius. De hoc au-  
 tem voto, & Pontificis in eo authorita-  
 te, vide Diatribam singularem Ludovici  
 Capelli. *Ioseph. Ἰησὺς τῷ παῖδα ἀλο-  
 γαύποσεν, ἕτε νόμιμον, ἕτε τῷ θεῷ νε-  
 ζαερωδῶν ἡσίου ἐπιτελῶν, μὴ ἀγ-  
 βασιαν (ὡς τῷ λογισμῷ τὸ γενησῶνρον  
 οἶον τὸ παραχρῆν δὲ τῶν αἰκίστων).*  
 Hoc factum Jephthæ imitatisunt genti-  
 les, Erichæus bellum contra Eumol-  
 pum gerens. Agamemnon, Marcellus,  
 Marius, & alii. Vide Plutarchum in Pa-  
 rallelis.

2 *Principatum.*] Totius Israël. Nam  
 licet initio Galaaditarum tantum prin-  
 ceptus esset, postea tamen etiam reliquæ  
 tribus ipsi paruisse videntur. Sic Augu-  
 stin. Quæst. 49. Vide *Drus.* ad Jud.  
 Omisit cladem Ephraimitarum Iud. 12.

3 *Efebon.*] In fonte Ebræo, Ebsan,  
 quod nunc legunt Ibsan, ut Joseph. olim  
 Absan, Hiero. Abesân & ἄβαισάν,  
 quod Latine scribes Abassân, Ibsan,  
 Ebsan, Absan, ut Nimrod, Nemrod,  
 Namrod. Sæpe ita variabant in legendo  
 antiqui. *Dr.* Fuit Bethlehemita ex tribu  
 Judæ. Ita fere omnes Interpretes. Sed  
 Maldonatus in Matth. 11. ἄβ. 1. putat  
 hic agi de Bethlehem quæ in tribu Zabu-  
 lon, cujus mentio Iosua 19. 15. Di-  
 cunt autem Rabbinus, hunc Absan fuisse  
 Booz, maritum Ruth, abavum Regis  
 Davidis. Coartanei sane fuerunt: sed  
 eisdem fuisse, non videtur. Vide *Drus.*  
 ad Jud.

4 *Tranquillis rebus.*] In Judæa. At  
 Græcia tum omnis & Asia minor, hor-  
 ribili bello tremebat. Nam sub eo ortum  
 est Trojanum bellum. *Samuel Solem* ad  
 librum Juchasin.

5 *Allon.*] Veritas lectionis Ailon.  
 Nam sic est in codicibus Græcis αἰλών,  
 quod nunc legunt ex Ebræo Elon. Hunc  
 Eusebius in Chronico prætermisit eo  
 loco ubi catalogum Judicum recenset.  
 In ipso autem Chronico ait, *post Efebon*  
*in libro Ebræorum fertur iudex Adon re-*  
*xisse populum annis 10. qui non habetur*  
*apud 1xx. Interpretes.* Mirari libet. Nam  
 in editione Romana Jud. 12. vers. 11.  
 αἰλῶν legitur, in quo mendum quale  
 in Edem & Madiam. Reperio & αἰ-  
 λῶν. Ex αἰλῶν factum Ajalon, quod  
 in Hiero. *Drus.* Sub eo excisa Troja.  
*Euseb.*

6 *Abdon.*] Filius Hèlèl Pharatoni-  
 tes ex tribu Ephraim.

7 *Nihil quod historia loqueretur.*] Et  
 huic, & prioribus, ἄβ. τῷ εἰρήνω τῷ  
 τῷ ἀδελφῶν & περὶ μετῶν, nulla data  
 est